



SLUŽBENI GLASNIK OPĆINE KALESIJA

Godina: XLIII

Srijeda, 30.04.2008. godine
K A L E S I J A

Broj: 4

OPĆINSKO VIJEĆE

38

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine FBiH", broj 49/06) i člana 42. Statuta općine Kalesija – Prečišćeni tekst ("Službeni glasnik općine Kalesija, broj 10/07), a u vezi sa članom 7. Zakona o vraćanju, dodjeli i prodaji stanova ("Službene novine FBiH", br:28/05), Općinsko vijeće Kalesija na sjednici održanoj dana 28.04.2008. godine d o n o s i

ODLUKU

o uslovima, kriterijima i postupku za dodjelu stanova kojim raspolaže općine Kalesija

OPĆE ODREDBE

Član 1.

Ovom Odlukom regulišu se uslovi, kriteriji, način bodovanja, postupak, utvrđivanje rang liste za dodjelu stanova sa kojima raspolaže općina Kalesija (u daljem tekstu: Općina) i utvrđuje nadležno tijelo za dodjelu stanova u skladu sa odredbama Zakona o vraćanju, dodjeli i prodaji stanova (u daljem tekstu: Zakona).

Pod stanom u smislu prethodnog stava podrazumijeva se svaki stan u vlasništvu Općine, bez obzira gdje se nalazi, za koji nije podnesen zahtjev za povrat u posjed, kao i svaki stan na području Općine za koje je zahtjev za povrat u posjed odbačen ili odbijen pravosnažnom odlukom nadležnog organa, a koji su navedeni u članu 13. Zakona o prestanku primjene Zakona o napuštenim stanovima ("Sl. novine FBiH", broj: 11/98, 38/98, 12/99, 18/99, 27/99, 27/99, 43/99, 31/01 i 15/02).

USLOVI I KRITERIJI SA PRIORITETIMA ZA DODJELU STANA

Član 2.

Za dodjelu i kupovinu stana u skladu sa Zakonom zainteresovana lica moraju ispunjavati kumulativno sledeće uslove:

a) da su prvenstveno radnici vlasnika stana (radnici davaoca stana na korištenje) i

b) da nemaju riješeno stambeno pitanje.

Radnicima iz prethodnog stava smatraju se zaposleni u Općini i penzionisani radnici Općine, koji su zasnovali radni odnos u organima uprave Općini prije 19.05.2005. godine, odnosno do dana stupanja na snagu Zakona.

Član 3.

Radnicima stanovi će biti dodjeljivani na osnovu bodovnih kriterija, po sledećem prioritetu:

1. porodicama poginulih radnika u odbrambeno-oslobodilačkom ratu, umrlih radnika ili koji su na drugi način izgubili život,
2. radnicima ratnim vojnim invalidima i invalidima rada,
3. radnicima demobilisanim boricima,
4. penzionisanim radnicima Općine koji do stupanja na snagu Zakona nisu riješili svoje stambeno pitanje,
5. deficitarnim kadrovima, ako su utvrđeni odlukom Općinskog vijeća,
6. ostalim radnicima koji na drugi način nisu riješili svoje stambeno pitanje.

Član 4.

Porodicama poginulih i umrlih radnika iz tačke 1 stava 1. prethodnog člana smatraju se porodice koje su ostvarile i sada koriste pravo na porodičnu penziju po osnovu lica koja su bili radnici Općine prije 19.05.2005. godine.

Radnicima iz tačke 2, 3, 5 i 6 stava prvog prethodnog člana smatraju se radnici koji su zaposlenici Općine od prije 19.05.2005. godine.

Penzionisanim radnicima iz tačke 4. stava prvog prethodnog člana smatraju se lica koja su prije 19.05.2005. godine zaposlili se u Općini i nemaju riješeno stambeno pitanje.

Član 5.

Smatra se da lica iz člana 3. ove Odluke ima riješeno stambeno pitanje:

- ako ono ili član domaćinstva na području BiH ima uslovan stambeni objekat za stanovanje, ili stan u etažnom vlasništvu,
- ako je ono ili član njegovog domaćinstva bio korisnik sredstava za

rješavanje stambenih pitanja po propisima iz oblasti boračko-invalidske zaštite,

- ako je ono ili član njegovog domaćinstva, na teritoriji BiH, otkupio stan u procesu privatizacije,

- ako je ono ili član domaćinstva, na teritoriji BiH, imao u vlasništvu porodično-stambenu zgradu, stan ili druge nekretnine, pa su ih otuđili iz svoje imovine bilo kojim pravnim poslom svojom voljom ili krivicom,

- ako je ono ili bračni drug bio korisnik sredstava donacija za rješavanje stambenog pitanja i kojim je objekat doveden u stanje uslovno za stanovanje.

Član 6.

Članovi domaćinstva lica iz prethodnog člana smatraju se: bračni drug, djeca (bračna, vanbračna, usvojena i pastorčad), roditelji bračnog druga, brat i sestra, ukoliko su maloljetni ili iz drugih razloga nesposobni za privređivanje, koji sa njim žive i stanuju.

Član 7.

U zavisnosti od broja članova domaćinstva, kao odgovarajući stan smatra se:

- za jednočlano domaćinstvo..... garsonjera,
- za dvočlano domaćinstvo garsonjera ili jednosoban stan,
- za tročlano domaćinstvo..... jednosoban ili dvosoban stan,
- za četvoročlano domaćinstvo ili više..... dvosoban ili trosoban stan.

Ukoliko se u postupku dodjele stana po ovoj Odluci utvrdi da za dodjelu nema odgovarajućeg stana u skladu sa prethodnim stavom, odnosnom licu se može, uz njegovu saglasnost dodijeliti raspoloživi stan.

KRITERIJI ZA BODOVANJE ZAHTJEVA

Član 8.

Uz ispunjavanje propisanih uslova iz Zakonu i ove Odluke, za bodovanje i rangiranje zahtjeva za dodjelu stana utvrđuju se posebni kriteriji:

- a. stambena situacija,
- b. broj članova porodičnog domaćinstva,
- c. učešće u oružanim snagama R BiH,
- d. status podnosioca zahtjeva,
- e. priznanje u oružanim snagama R BiH,
- f. datum stupanja u oružane snage R BiH,
- g. zdravstveno stanja podnosioca zahtjeva i članova njegovog domaćinstva,
- h. imovinski cenzus domaćinstva,
- i. radni staž,
- j. invalidnost po osnovu rada i
- k. radna obaveza i civilna zaštita

a) Stambena situacija

Član 9.

Stambena situacija podnosioca zahtjeva za dodjelu stana boduje se na sledeći način:

- podstanar najmanje 3 mjeseca prije raspisivanja konkursa za dodjelu stana, na osnovu ugovora o podstanarskom odnosu, ovjeren od strane nadležene porezne uprave100 bodova,
- zatečeni korisnik alternativnog smještaja na osnovu dokaza nadležnog organa..... 80 bodova,
- stanovanje u vlastitom objektu koji je neuslovan (vlaga, sanitarni uslovi i sl) ili kao podstanar kod roditelja ili člana porodice.....50 bodova.

Prije utvrđivanja broja bodova po prethodnom stavu, činjenice se provjeravaju na osnovu propisanih isprava i uvidom na licu mjesta od stane organa koji vrši bodovanje.

c) Broj članova domaćinstva

Član 10.

Po osnovu broja članova domaćinstva podnosiocu zahtjeva pripadaju bodovi na način da za svakog člana domaćinstva, koji se kao takav ima smatrati pripada5 bodova.

Za zaposlene članove domaćinstva, osim bračnog druga, ne pripadaju bodovi iz prethodnog stava.

Dokaz o članovima domaćinstva može poslužiti izjava o zajedničkom domaćinstvu, a može se dokazivati uvjerenjem organa unutrašnjih poslova o prebivalištu, ili da komisija traži izjavu svjedoka, a po potrebi može činjenice provjeravati na licu mjesta prema adresi prebivališta.

c) Učešće u OS R BiH

Član 11.

Po osnovu učešća u oružanim snagama podnosiocu zahtjeva pripadaju bodovi tako da se za svaki mjesec učešća u OS R BiH, na osnovu uvjerenja nadležnog organa, obračunava po2 boda.

d) Status podnosioca zahtjeva

Član 12.

Podnosiocu zahtjeva po osnovu statusa ratnog vojnog invalida pripadaju bodovi na sledeći način:

- RVI 100% I grupe invalidnosti 100 bodova,
- RVI 100% II grupe invalidnosti 73 boda,
- RVI 90% III grupe invalidnosti 55 bodova,
- RVI 80% IV grupe invalidnosti 43 boda,
- RVI 70% V grupe invalidnosti32 boda,
- RVI 60% VI grupe invalidnosti.....18 bodova,
- RVI 50% VII grupe ininvalidnosti 13 bodova,
- RVI 40% VIII grupe inavlidnosti 7 bodova,

- RVI 30% IX grupe invalidnosti 6 bodova i
- RVI 20% X grupe invalidnosti 5 bodova.

U statusu djece bez oba roditelja poginulih, umrlih i nestalih boraca, koja se nalaze na redovnom školovanju do navršene 25 godina života pripadaju bodovi utvrđeni za RVI 100% i grupe invalidnosti100 bodova.

U Statusu supruge šehida – poginulog, umrlog ili nestalog borca, koja živi sa malodobnom djecom i sa punoljetnom djecom koja se smatraju članovima porodice, pripadaju bodovi utvrđeni za RVI 100% i grupe invalidnosti100 bodova.

U statusu roditelja šehida – poginulog, umrlog ili nestalog borca pripadaju bodovi utvrđeni kao za RVI 100% II grupe invalidnosti..... 73 bodova

U statusu supruge umrlog RVI ili umrlog demobilisanog borca koja ima malodobnu djecu i djecu do navršene 25 godine života koja su na redovnom školovanju pripadaju bodovi kao za RVI 90% III grupe invalidnosti 55 bodova.

Licima u istovremenom statusu RVI i člana porodice šehida – poginulog borca pripadaju bodovi kumulativno po oba osnova.

Ukoliko je podnosilac zahtjeva član porodice sa više šehida – poginulih boraca za svakog od njih pripadaju mu bodovi utvrđeni u ovom članu.

e) Priznanja u oružanim snagama R BiH

Član 13.

Podnosilac zahtjeva za dodjelu stana, ostvaruje bodove po osnovu priznanja u oružanim snagama RBiH ili priznanja članova domaćinstva na sledeći način:

1. Za značku "Zlatni ljiljan"..... 50 bodova
2. Za "Orden slobode"..... 40 bodova
3. Za "Orden heroja oslobodilačkog rata"..... 30 bodova
4. Za "Orden oslobođenja"..... 20 bodova
5. Za "Orden zlatnog grba sa mačevima"..... 10 bodova
6. Za priznanja: orden zlatnog ljiljana sa zlatnim vijencem ili srebrenim vijecem, medalju za hrabrost, medalja za vojne zasluge, policijska medalja za hrabrost, zlatna policijska značka – zvijezda, srebrena policijska značka i srebreni štit.....5 bodova

f) Datum stupanja u oružane snage R BiH

Član 14.

Podnosilac zahtjeva za dodjelu stana boduje se po osnovu datuma stupanja u OS RBiH na sledeći način:

1. Dobrovoljac i organizator otpora, odnosno lice koje je stupilo u OS R BiH u periodu od 18.09.1991. godine do 19.06.1992.

godine i ostao neprekidno do 23.12.1995. godine 20 bodova.

2. Veteran rata, odnosno lice koje je stupilo u OS RBiH u periodu 20.06.1992. godine do 31.12.1992. godine i ostao neprekidno u jedinicama do 23.12.1995. godine15 bodova
3. Učesnik rata , odnosno lice koje je u sastavu OS RBiH proveo najmanje jednu godinu neprekidno u periodu od 20.06.1992. godine do 23.12.1995. godine 5 bodova.

g.) Zdravstveno stanje članova domaćinstva

Član 15.

Podnosilac zahtjeva za dodjelu stana , može ostvariti bodove po osnovu zdravstvenog stanja njega i članova njegovog domaćinstva po osnovu teške i trajne bolesti5 bodova

Pod teškom i trajnom bolešću iz prethodnog stava ovog člana podrazumijeva se: akutna tuberkuloza, maligna oboljenja, endemska nekrologija, stanje poslije hirurškog zahvata na srcu ili kičmi, degenerativna oboljenja, infarkt srca ili mozga, oboljenje mišićnog sistema i paralize.

Teška bolest se dokazuje potvrdom zdravstvene ustanove izdata od strane stručnog tima ili vjerodostojne medicinske dokumentacije, koja ne može biti starija od šest mjeseci prije datuma objavljivanja oglasa za dodjelu stana.

h) Imovinski cenzus

Član 16.

Po osnovu imovinskog cenzusa podnosilac zahtjeva može ostvariti bodove prema mjesečnom prihodu po članu domaćinstva na sledeći način:

1. Za prihod po članu domaćinstva do 150 KM30 bodova,
2. Za prihod po članu domaćinstva od 151,00 edo 250,00 KM20 bodova.

i) Radni staž

Član 17.

Po osnovu radnog staža podnosiocu zahtjeva pripadaju bodovi, za svakih navršene 12 mjeseci radnog staža .10 bodova

U smislu prethodnog stava radnim stažom se priznaje isključivo period staža utvrđen od strane nadležnog fonda penzijsko-invalidskog osiguranja.

j) Invalidnost rada

Član 18.

Podnosilac zahtjeva za dodjelu strana po osnovu statusa invalida rada stječe pravo na bodove:

1. Invalidi prve kategorije30 bodova.
2. Invalidi rada druge kategorije .25 bodova.

Invalidnost iz prethodnog stava dokazuje se nalazom nadležene ljekarske komisije za utvrđivanje radne sposobnosti.

k) Služenje u radnoj obavezi i civilnoj zaštiti

Član 19.

Podnosiocu zahtjeva za dodjelu stana pripadaju bodovi i to za svaki započeti mjesec proveden u radnoj obavezi ili u jedinicama civilne zaštite u periodu 1992. -1995. godine.....1 bod.

Status obveznika radne obaveze i pripadnika jedinica civilne zaštite i vrijeme provedeno na toj dužnosti dokazuje se uvjerenjem Ministarstva odbrane.

NADLEŽNO TIJELO ZA DODJELU STANA I POSTUPAK

Član 20.

Postupak za dodjelu stana po odredbama ove Odluke provodi posebna komisija (u daljem tekstu: Komisija), koju na prijedlog Općinskog načelnika, imenuje Općinsko vijeće Kalesija.

Komisija se sastoji od predsjednika i četiri člana, od kojih se jedan član imenuje na prijedlog sindikalne organizacije organa uprave.

Član 21.

Mandat Komisije je četiri godine.

Član 22.

Administrativno-tehničke i druge stručne poslove za potrebe Komisije obavljat će referent za stambene poslove u Službi za poduzetništvo i budžet općine Kalesija, u svojstvu sekretara Komisije.

Član 23.

Članovima Komisije, za rad u Komisiji, pripada naknada koja se određuje aktom o imenovanju.

Član 24.

U postupku za dodjelu stanova primjenjivaće se ova Odluka, a na pitanja koja nisu regulisana ovom Odlukom primjenjivaće se Zakon o vraćanju, dodjeli i prodaji stanova i Zakon o upravnom postupku.

Član 25.

Postupak za dodjelu stana pokreće Komisija raspisivanjem javnog oglasa koji obavezno sadrži:

- podatke o stambenim jedinicama koje se predmet oglasa (adresa stana, struktura i površina),
- uslovi za učešće na javnom oglasu,
- redoslijed prioriteta za dodjelu stana,
- naziv dokumenata koje učesnik javnog oglasa dostavlja uz prijavi sa naznakom organa koji izdaju takve dokumente,

- rok za podnošenje prijave na javni oglas,
- naziv organa kome se podnose prijave,
- naznaku da se nepotpune i neblagovremene prijave neće razmatrati i
- druge podatke prema potrebi.

Rok za podnošenje prijave utvrđuje Komisija, i ne može biti kraći od 30 dana od dana objavljivanja oglasa.

Javni oglas se objavljuje na oglasnoj tabli Općine.

Član 26

Po isteku roka za predaju prijave na javni oglas, Komisija razmatra prispjele prijave i priloženu dokumentaciju.

Neblagovremene i nepotpune prijave se odbacuju.

Komisija nakon razmatranja i bodovanja prispjelih prijave, u skladu sa uslovima i kriterijima iz ove Odluke, utvrđuje rang listu, posebno za svaki stan.

Rang lista se objavljuje na oglasnoj tabli Općine, u roku od 30 dana od dana isteka javnog oglasa.

Član 27.

U cilju potpunog i pravilnog utvrđivanja činjeničnog stanja, prije bodovanja i utvrđivanja rang liste, Komisija može u slučaju sumnje u istinitost podataka ili sadržaja pojedinih dokaza službenim putem zatražiti provjeru njihove vjerodostojnosti kod nadležnih organa, kao i uvidajem na licu mjesta, a posebno činjenica u vezi stambene situacije podnosioca zahtjeva i članova njegovog domaćinstva.

Član 28.

Ukoliko u postupku bodovanja i utvrđivanja rang liste Komisija utvrdi da dva ili više učesnika javnog oglasa iz iste kategorije prioriteta imaju isti broj bodova prednost će se dati kandidatu po sledećem redoslijedu:

- koji ima veći broj bodova po osnovu radnog staža,
- koji ima veći broj bodova po osnovu broja članova domaćinstva,
- koji imaju veći broj bodova po osnovu invalidnosti rada ili
- koji ima veći broj bodova po osnovu zdravstvnog stanja članova domaćinstva.

Član 29.

Na utvrđenu rang listu učesnici javnog oglasa mogu uložiti žalbu Komisiji za drugostepeno odlučivanje Općinskog vijeća Kalesija u roku od 15 u roku od 8 dana od dana njenog objavljivanja.

Član 30.

Odluka po žalbi je konačna.

Član 31.

Po okončanju postupka po izjavljenim žalbama, Komisija sastavlja konačnu rang listu učesnika javnog oglasa.

Član. 32.

Na osnovu konačne rang liste Komisija utvrđuje prijedlog rješenja o dodjeli stana na korištenje koja sadrži:

- naziv organa i pravni osnov za donošenje rješenja,
- broj i datum rješenja,
- prezime i ime korisnika stana, kome se stan dodjeljuje,
- podaci o stambenoj jedinici (stanu),
- naznačenje vlasnika stana,
- poimenično navođenje članova domaćinstva koji će koristiti stan,
- rok za useljenje,
- odredbu o zabrane otuđenja ili davanju u zakup dodijeljenog stana,
- navođenje organa koji će izvršiti uvođenje u posjed stana i sačiniti zapisnik o primopredaji stana,
- obavezu korisnika stana o snošenju troškova u vezi korištenja stana,
- dalja prava po osnovu dodjele i korištenja stana propisana Zakonom..

Član 33.

Prijedlog rješenja o dodjeli stana, sa svoj izvještajem o provedenom postupku i konačnom rang listom dostavlja Općinskom vijeću Kalesija na usvajanje.

Rješenje o dodjeli stana na korištenje donosi Općinsko vijeće Kalesija.

ZAVRŠNE ODREDBE

Član 34.

Ukoliko dodijeljeni stan koristi privremeni korisnik po bilo kom osnovu, nadležna služba za stambena pitanja Općine dužna je, po službenoj dužnosti, iste iseliti u roku od 60 dana od dana dodjele i rok se može produžiti za dodatnih 60 dana po dogovoru sa licem kome je stan dodijeljen.

Član 35.

Ova Odluka stupa na snagu narednog dana po objavljivanju u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-1351
Datum, 29.04.2008. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn. s.r.

39

Na osnovu člana 52. stav 1. tačka 3. Zakona o organizaciji organa uprave u Federaciji Bosne i Hercegovine („Sl. novine Federacije BiH“, broj 35/05), člana 42.

Statuta općine Kalesija – Prečišćeni tekst („Sl. glasnik općine Kalesija“, broj 10/07), Općinsko vijeće Kalesija, na sjednici održanoj dana 28.04.2008. godine, d o n o s i

ODLUKU

o davanju saglasnosti na Pravilnik o unutrašnjoj organizaciji Službi za upravu općine Kalesija,

I

Ovom Odlukom Općinsko vijeće Kalesija daje saglasnost na Pravilnik o unutrašnjoj organizaciji Službi za upravu općine Kalesija, broj 02-05-2-1239/08 od 18.04.2008. godine.

II

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-1352
Datum, 29.04.2008. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn. s.r.

40

Na osnovu člana 42. Statuta općine Kalesija – Prečišćeni tekst (“Sl. glasnik općine Kalesija”, broj 10/07) i člana 7. stav 1. Odluke o općinskim priznanjima (“Sl. glasnik općine Kalesija”, broj 2/02), Općinsko vijeće Kalesija na prijedlog Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja, na sjednici od 28.04.2008. godine, d o n o s i

ODLUKU

o dodjeli općinskih priznanja

Član 1.

U znak priznanja za naročite zasluge građanima, organizacijama, institucijama i drugim fizičkim i pravnim licima koji su se istakli svojim radom, angažiranjem i rezultatima rada, jačanju i unapređenju razvoja općine Kalesija, kao i onima koji su se istakli u ratu svojim radom, angažiranjem i rezultatima na odbrani Općine i države BiH, organizaciji života i rada građana u ratnim

uslovima, u povodu 23. maja – «Dana općine Kalesija», dodjeljuju se općinska priznanja kako slijedi:

a) «Medalja sa zlatnim grbom»

01. DOO »ŠF INŽENJERING« Tuzla,
02. DOO »HSP« Memići,
03. DOO »OS-PHARM« Kalesija.

b) «Plaketa sa zlatnim grbom općine Kalesija»

01. JP „Vodovod i kanalizacija Kalesija“ Kalesija,
02. Musić Sena iz Petrovica Gornjih,
03. Selimović Hasan iz Seljublja,
04. Mustafić (Rašid) Hasan iz Vukovija Donjih,
05. Pezić Fadil iz Miljanovaca,
06. Kulanić Zijad iz Vukovija Gornjih,
07. Organizacioni odbor manifestacija „Tojšićko ljeto 2007“.

c) «Plaketa sa zlatnim ljiljanima»

01. Majdančić (Emin) Emir iz Vukovija Donjih,
02. Udruženje dobitnika najvećih ratnih priznanja općine Kalesija,
03. Džafić Dževad iz Rainaca Donjih – posthumno,
04. Bukvarević (Rašid) Sead iz Kalesija – posthumno,
05. Mulaomerović Mustafa iz iz Jelovog Brda,
06. Brđanović (Meho) Asim iz Vukovija Donjih,
07. Imamović (Muharem) Hazim iz Vukovija Donjih – posthumno,
08. Jakubović (Huso) Mehmed iz Lipovica – posthumno,
09. Bećirbašić (Husein) Vehid iz Jajića – posthumno,
10. Mešanović (Šaban) Fehim zvani »Fehko« iz Petrovica Gornjih – posthumno,
11. Avdić Abdulah) Seid iz Tojšića,
12. Mujanović (Fehim) Nedžad zvani »Rega« iz Kikača – posthumno,
13. Kulović Avdulah iz Jelovog Brda,
14. Selimović (Mehmed) Himzo iz Seljublja – posthumno,
15. Smajić (Mustafa) Hidajet iz Seljublja – posthumno,

16. Užičanin (Fehim) Hasan iz Hrasna Gornjeg – posthumno,
17. Huremović Saliha iz Prnjavora.

Član 2.

Uručivanje općinskih priznanja će se izvršiti na svečanoj sjednici Općinskog vijeća Kalesija 23. maja 2008. godine.

Član 3.

Načelnik općine Kalesija će uručiti općinska priznanja «Medalju sa zlatnim grbom» i «Plaketu sa zlatnim grbom općine Kalesija», a predsjedavajući Općinskog vijeća Kalesija će uručiti općinsko priznanje «Plaketa sa zlatnim ljiljanima» dobitnicima istih.

Član 4.

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1353
Datum, 29.04.2008. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn. s.r.

41

Na osnovu člana 26. stav 3. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06), člana 42. a u vezi sa članom 104. Statuta općine Kalesija – prečišćeni tekst („Sl. glasnik općine Kalesija“, broj 10/07), Općinsko vijeće Kalesija na sjednici održanoj 28.04.2008. godine, d o n o s i

ODLUKU

o prihvatanju inicijative za osnivanje nove mjesne zajednice Sarači – Lipovice

I

Prihvata se inicijativa naseljenog mjesta Sarači, dijela naseljenog mjesta Lipovice (zaseoci Brdo, Centar i Husići) i zaseoka Hukeljići za izdvajanje iz MZ Rainci Gornji, te zaseoka Brdo za izdvajanje iz MZ Miljanovci i osnivanje zasebne mjesne zajednice Sarači - Lipovice.

II

Propisana procedura osnivanja mjesne zajednice iz tačke I ove Odluke (raspisivanje referenduma, nadzor, potrebna sredstva i dr.) urediće se posebnom Odlukom Općinskog vijeća, u skladu sa Statutom općine Kalesija.

III

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1354
Datum, 29.04.2008. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn. s.r.

42

Na osnovu člana 42. Statuta općine Kalesija – Prečišćeni tekst ("Sl. glasnik općine Kalesija", br. 10/07), člana 5. Programa asfaltiranja puteva na području općine Kalesija u periodu 2005-2008 godina ("Sl. glasnik općine Kalesija", br. 6/05, 2/07), Općinsko vijeće Kalesija na sjednici održanoj dana 28.04.2008 godine, d o n o s i

P L A N

Izgradnje i asfaltiranja lokalnih i nekategorisanih puteva
na području općine Kalesija u 2008. godini

I

Plan Izgradnje i asfaltiranja lokalnih i nekategorisanih puteva na području općine Kalesija u 2008. godini, sačinjen je na osnovu pristiglih zahtjeva od strane mjesnih zajednica, u skladu sa Programom asfaltiranja puteva na području općine Kalesija u periodu 2005-2008. godina ("Sl. glasnik općine Kalesija", br. 6/05) i Kriterija za izradu plana izgradnje i asfaltiranja lokalnih i nekategorisanih puteva na području općine Kalesija ("Sl. glasnik općine Kalesija", br. 10/05, 1/06).

II

Nakon provedenog bodovanja putnih pravaca na osnovu Kriterija, utvrđuje se lista prioriteta asfaltiranja lokalnih i nekategorisanih puteva prikazana u slijedećoj tabeli:

Prioritet	Naziv putnog pravca	Mjesna zajednica	Broj bodova
1.	M4-Rainci Donji	Rainci Donji	123,2
2.	Podvožnjak-Zelina Vis	Kalesija Centar i Gojčin	114,5
3.	Put kroz centar Memića, Careva kuća-stara Džamija	Memići	94,0
4.	Jelovo brdo- ambulanta	Gojčin	93,5
5.	Grabik-Memići	Brda	92,3
6.	Most Bukovica- Careva kuća	Memići	89,5
7.	Hidani-Ćerima	Kikači	88,3
8.	Nastavak kroz Bulatovce, Zabašč	Bulatovci	85,9
9.	M4-Jusupovići, sa krakovima	Kalesija Gornja	84,5
10.	Spomenik- Hadžići	Memići	79,5
11.	Zaseok Valjevci	Vukovije Gornje	79,0
12.	M4-Kadrići	Kalesija Gornja	74,7
13.	Atobusko stajalište R469- do puta za Spreču	Vukovije Donje	73,7
14.	Jajčevići-Pogon, sa krakom 50 m Bare	Kalesija Gornja	72,9
15.	M4-novo naselje u Dubnici južna strana	Dubnica	70,5

16.	Ulica Sarajevska, nastavak radova	Kalesija Centar	69,5
17.	M4-Mahmutovići, nastavak	Dubnica	66,9
18.	M4-Rajkovine	Tojšići	66,8
19.	Ferhatovići (Gornja mahala)	Kikači	63,5
20.	Reginalni put-Hadžići	Tojšići	56,7
21.	Put prema Džamiji Hemlijaši	Memići	53,7
22.	Ulica u Novom naselju Kalesija (završetak ulice)	Kalesija Centar	51,6
23.	Krakovi kroz Kadriće	Kalesija Gornja	51,5
24.	Šarenika-Alibašići-Salkići	Zates	50,8
25.	Krak kroz Avdiće	Kalesija Gornja	49,6
26.	Put kroz naselje Jošje	Vukovije Donje	45,1
27.	Ulica Hadžiefendića	Kalesija Centar	45,0
28.	Zukići	Memići	45,0
29.	Mujćevići	Rainci Gornji	42,5
30.	Put prema Džamiji Kalesija G.	Kalesija Gornja	34,4
31.	Sjeverna strana od M4 , krakovi	Dubnica	32,4
32.	M4-Muharemovići	Tojšići	31,2
33.	Put Hasanovići- Heljići	Bulatovci	38,6
34.	Put u Prnjavoru, zaseok Hajdukalići	Prnjavor	52,3
35.	Put M4-Zobište-Bare	Rainci Gornji	37,0
36.	Put Mešići	Rainci Gornji	51,0
37.	Put Krčevine	Vukovije Gornje	62,0
38.	Put Brod stadion- Šermetovići	Gojčin	63,3
39.	Put Dugonjići	Bulatovci	48,6
40.	Paraći-Horozovina-Seljublje škola	Hrasno	75,1
41.	Turkići – Staro Selo	Bulatovci	53

Putni pravci od rednog broja 33 do 41 su putevi koji su naknadno kandidovani, bez obzira na broj bodova rangirani su iza ostalih putnih pravaca, po redoslijedu prispjeća i nisu prioritet u odnosu na ostale puteve.

III

Općina Kalesija će u skladu sa Budžetom općine Kalesija za 2008. i Budžetom za 2009. godinu obezbijediti zajedno sa prikupljenim sredstvima građana ukupan iznos od 1.943.193,16 KM utvrđena za ove namjene.

IV

Pri realizaciji Plana izgradnje i asfaltiranja lokalnih i nekategorisanih puteva obavezno se pridržavati utvrđenih prioriteta uz uslov da su putni pravci upisani kao javno dobro putevi.

V

Mjesne zajednice na čijem se području izvode radovi, se obavezuju da preko građevinskih odbora izvrše pripremu putnih pravaca u pogledu izgradnje propisnih kanala za odvodnju površinskih voda, potrebnih propusta, kao i da sa vlasnicima objekata i parcela pored puta gdje se izvode radovi uredе eventualno sporna pitanja koja se odnose na pristup tim objektima i parcelama.

VI

Za realizaciju ovog Plana zadužuje se općinski Načelnik koji će u skladu sa Zakonom o javnim nabavkama Bosne i Hercegovine raspisati javni poziv za prikupljanje ponuda i izvršiti izbor najpovoljnije ponude za izvođenje radova na izgradnji i asfaltiranju puteva za koje su od strane građana ukupljena finansijska sredstva u skladu sa Programom asfaltiranja puteva na području općine Kalesija u periodu 2005-2008. godina ("Sl. glasnik općine Kalesija", br. 6/05, 2/07), poštujući visinu raspoloživih sredstava općine, te u ime Općine Kalesija sa najpovoljnijim ponuđačem zaključiti Ugovor o izvođenju radova.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-1584
Datum, 29.04.2008. godine

Hata Mujčinović, dipl. ing. tehn. s.r.

43

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst (“Sl. glasnik općine Kalesija”, 10/07), i člana 104. Poslovnika o radu Općinskog vijeća Kalesija (“Sl. glasnik općine Kalesija”, broj 5/06, 8/06, 5/07 i 3/08), Općinsko vijeće na 35. redovnoj sjednici održanoj dana 28.04.2008. godine, donijelo je slijedeći

Z A K L J U Č A K

I

Usvaja se Izvještaj o rješavanju upravnih stvari u upravnom postupku općinskih službi za upravu općine Kalesija za 2007. godinu.

II

Zaključak stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-1585
Datum, 29.04.2008. godine

Hata Mujčinović, dipl. ing. tehn. s.r.

44

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst (“Sl. glasnik općine Kalesija”, 10/07), i člana 104. Poslovnika o radu Općinskog vijeća Kalesija (“Sl. glasnik općine Kalesija”, broj 5/06, 8/06, 5/07 i 3/08), Općinsko vijeće na 35. redovnoj sjednici održanoj dana 28.04.2008. godine, donijelo je slijedeći

Z A K L J U Č A K

I

Prihvata se Informacija o stanju zaštite čovjekove okolice na području općine Kalesija.

II

Zaključak stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-1586
Datum, 29.04.2008. godine

Hata Mujčinović, dipl. ing. tehn. s.r.

45

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst (“Sl. glasnik općine Kalesija”, 10/07), i člana 104. Poslovnika o radu Općinskog vijeća Kalesija (“Sl. glasnik općine Kalesija”, broj 5/06, 8/06, 5/07 i 3/08), Općinsko vijeće na 35. redovnoj sjednici održanoj dana 28.04.2008. godine, donijelo je slijedeći

Z A K L J U Č A K

I

Prihvata se Informacija o boravku raseljenih lica na području općine Kalesija i ostvarenom povratku na području općine Kalesija u 2007. godini.

II

Zaključak stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-1587
Datum, 29.04.2008. godine

Hata Mujčinović, dipl. ing. tehn. s.r.

46

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst (“Sl. glasnik općine Kalesija”, 10/07), i člana 104. Poslovnika o radu Općinskog vijeća Kalesija (“Sl. glasnik

općine Kalesija”, broj 5/06, 8/06, 5/07 i 3/08), Općinsko vijeće na 35. redovnoj sjednici održanoj dana 28.04.2008. godine, donijelo je sljedeći

Z A K L J U Č A K

I

Prihvata se Informacija o izgradnji malih sportskih terena na području općine Kalesija.

II

Zaključak stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-1588
Datum, 29.04.2008. godine

Hata Mujčinović, dipl. ing. tehn. s.r.

OPĆINSKI NAČELNIK

47

Na osnovu člana 15. Zakona o principima lokalne samouprave (“Sl. novine FBiH” br. 49/06) i člana 56. Statuta općine Kalesija (“Sl. glasnik općine Kalesija” br. 7/03 i 12/05), Općinski načelnik dana 16.04.2008. godine, d o n o s i

R J E Š E N J E

o imenovanju Tima za dostavu informacija Centru za pružanje usluga građanima

I

Imenuje se Tim za dostavu informacija Centru za pružanje usluga građanima u koji ulaze predstavnici stručnih službi i službi za upravu općine Kalesija kako slijedi:

- Stručna služba Općinskog načelnika:
Halilović Osmo
Hendić Vehid
- Stručna služba Općinskog vijeća:
Huseinović Hajrudin
Imamović Čazim
- Služba za poduzetništvo i budžet:
Gutić Abdulah
Valjevac Jasmin

- Služba za urbanizam, geodetske, imovinsko-pravne poslove i infrastrukturu
Kulanić Zijad
Mešić Ismet
- Služba za opću upravu, boračko-invalidsku zaštitu i raseljena lica
Jusufović Hazim
Tosunbegović Mujo
- Služba za civilnu zaštitu:
Fazlić Safet
Hamidović Nijaz

II

Zadatak Tima iz tačke I ovog Rješenja je da redovno dostavljaju sve, za građane i javnost bitne informacije, projekte i planove, kao i ažurne informativne brošure i obrasce zahtjeva u Centar za pružanje usluga građanima.

III

Državni službenici i namještenici iz pozadinskih kancelarija obavezni su kontinuirano dostavljati Centru za pružanje usluga građanima sve promjene u zakonima i drugim propisima koji se odnose na usluge koje Općina pruža građanima.

IV

Ovo Rješenje stupa na snagu danom donošenja i biće objavljeno u “Službenom glasniku općine Kalesija”.

V

Stupanjem na snagu ovog Rješenja prestaje da važi Rješenje broj 02-05-2-281/07 od 24.01.2007. godine.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKI NAČELNIK
Broj: 02-05-2-1218/08
Datum: 16.04.2008. godine

OPĆINSKI NAČELNIK

Rasim Omerović s.r.

48

Na osnovu člana 116. Zakona o zaštiti i spašavanju ljudi i materijalnih dobara od prirodnih i drugih nesreća («Sl. novine FBiH», broj 39/03. i 22/06), člana 56. Statuta općine Kalesija («Sl. glasnik općine Kalesija» broj 9/98. i 5/99) i člana 1. Odluke o osnivanju i sastavu Općinskog štaba civilne zaštite («Sl.glasnik općine Kalesija» broj

2/04), Općinski načelnik dana
24.04.2008. godine d o n o s i

AŠČIĆ ALIJE HALIL iz Vukovija
Gornjih.

R J E Š E N J E

o postavljenju člana Općinskog štaba
civilne zaštite Kalesija

I

Za člana Općinskog štaba civilne zaštite
Kalesija postavlja se:
Jusufović Hazim sin Saliha rođen
18.01.1959. godine u Gornjoj Kalesiji na
radnom mjestu pomoćnik načelnika za opću
upravu, boračko invalidsku zaštitu i raseljena
lica.

II

Postavljeni član Općinskog štaba
civilne zaštite angažovat će se u skladu sa
odredbama Zakona o zaštiti i spašavanju na
provođenju mjera zaštite i spašavanja.

III

Ovo Rješenje stupa na snagu danom
donošenja a objavit će se u «Službenom
glasniku općine Kalesija».

Bosna i Hercegovina
Federacija Bosne i Hercegovine OPĆINSKI NAČELNIK
TUZLANSKI KANTON
OPĆINA KALESIJA
OPĆINSKI NAČELNIK Rasim Omerović, dip. Ing. šum. s.r.
Broj: 02-05-2-1321
Datum: 16.04.2008. godine

Bosna i Hercegovina
Federacija Bosne i Hercegovine OPĆINSKI NAČELNIK
TUZLANSKI KANTON
OPĆINA KALESIJA
OPĆINSKI NAČELNIK Rasim Omerović, dip. Ing. šum. s.r.
Broj: 02-05-2-1322
Datum: 16.04.2008. godine

49

Na osnovu člana 116. Zakona o zaštiti i
spašavanju ljudi i materijalnih dobara od
prirodnih i drugih nesreća («Sl. novine FBiH»
broj 39/03. i 22/06.), člana 56. Statuta općine
Kalesija («Sl. glasnik općine Kalesija» broj
9/98, 5/99.) i člana 1. Odluke o osnivanju i
sastavu Općinskog štaba civilne zaštite
/»Sl.gasnik općine Kalesija» broj 2/04./
Općinski načelnik Kalesija dana
24.04.2008. godine, d o n o s i

R J E Š E N J E

o razrešenju člana Općinskog štaba
civilne zaštite Kalesija

I

Sa dužnosti člana Općinskog štaba
civilne zaštite općine Kalesija razrješava se:

S a d r Ź a j

OPĆINSKO VIJEĆE	Strana
38. Odluka o uslovima, kriterijima i postupku za dodjelu stanova kojim raspolaže općine Kalesija	26
39. Odluka o davanju saglasnosti na Pravilnik o unutrašnjoj organizaciji Službi za upravu općine Kalesija	30
40. Odluka o dodjeli općinskih priznanja..	30
41. Odluka o prihvatanju inicijative za osnivanje nove MZ Sarači-Lipovice ..	31
42. Plan izgradnje i asfaltiranja lokalnih i nekategorisanih puteva na području općine Kalesija	32
43. Zaključak	34
44. Zaključak	34
45. Zaključak	34
46. Zaključak	34

OPĆINSKI NAČELNIK	Strana
47. Rješenje o imenovanju Tima za dostavu informacija Centru za pružanje usluga građanima	35
48. Rješenje o postavljenju člana Općinskog štaba civilne zaštite Kalesija	35
49. Rješenje o razrešenju člana Općinskog štaba civilne zaštite Kalesija	36